



Inatsisartuni ilaasortat Malik Berthelsen & Kim Kielsen, Siumut  
/ Maani

**§ 37 naapertorlugu apeqqummut nr. 2012-030-imut, inissianik aqutsineq, akissuteqaat**

Asasakka Malik aamma Kim

Apeqqutissinnut 25. januar 2012-imeersumut, 9. november 2011-mi akissummut (suliaq nr. 2011-057776) nangissutaasumut qujanaq. Apeqqutit imatut nipeqarput:

1. Pisissiani aamma Pingorsuarmi inissiat A/S INI-mit aqunneqaratik ingerlanneqaratillu illunik tuniniaasartumit namminersortumit aqunneqarnerannut ingerlanneqarnerannullu inatsit peqqussulluunniit suna tunngavigineqarpa?
2. A/S INI-p Pisissiani Pingorsuarmilu inissianik aqutsinissaq ingerlatsinissarlum isumagisinnaangikkaat ilumoorpa? Piginnaaneqannginnermik isumaqarnermut suna tunngavigineqarpa?
3. Pingorsuarmi inissianik attartortitsinermit akiusup Namminersorlutik Oqartussat inissiaataanni attartortittakkani kvadratmeterimut akiusunit qaffasinneruneranut suna pissutaava? Namminersorlutik Oqartussat nalunaarutaanni nr. 12-imi, 23. april 2008-meersumi §§ 72-79 aallaavigineqarsimava?
4. Inissianik ingerlatsinermik tunisinermillu isumaginninnermut tassunga atatilugu illunik tuniniaasartuq namminersortuq qanoq annertutigisumik akilerneqartarpa?
5. Sooq Tuapannguani Napasuliaq 7-imi attartortut Namminersorlutik Oqartussani atorfilinnit, Napasuliaq 4-mi, 5-imi aamma 6-imi attartortunit sukanganarusumik piumasqaateqarfingineqarpat?

Apeqqut 1-imut akissut:

Inissiat aqunneqarnissaannut ingerlanneqarnissaannullu A/S Inissiaatileqatigiiffik INI taamatullu Agerkov Consulting neqerooruteqartinneqarput. Inimit neqeroorut neqeroorutigineqartup aappaanit qaffasinneruvoq, taamaattumillu Agerkov Consulting toqqarneqarpoq. Suliassaqarfik taanna inatsisitigut maleruagassiuunneqanngilaq, taamaattumillu ineqarnermut akiliutit qaffasissusissaat sullissinerullu qaffasissusissaa kisimik matumani tunngavigineqarput.

Apeqqut 2-mut akissut:

INI-p akigititassamat neqeroorutaa unammillertaasumit qaffasinnerummat Pisissiani Pingorsuarmilu aqutsinerup ingerlatsinerullu isumagineqarnissaanut INI toqqarneqanngilaq, tak. apeqqut 1. INI toqqarneqarsimasuuppat, tamanna attartortunut ajoqutaasumik inissiani ineqarnermut akiliutit qaffasinnerunerannik kinguneqarsimasussaagaluarpog, A/S Inissiaatileqatigiiffik INI-mut aqutsinermut

13. februar 2012  
Sagsnr. 2012-061048  
Dok. Nr. 823979

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

aningaasartuutit qaffasinnerusut matussuserniarlugit ineqarnermut akiliutitut qaffasinnerusunut akiliisoqartartussaammat.

Apeqquut 3-mut akissut:

Attartornerup akisuneruneranut pissutsit marluk peqqutaapput. Siullermik sanaartornermut avataaniit taarsigassarsiat erniaqartussaapput akilersorneqartussaallutillu. Aappaattut inissiat pilersaarusernerinut, piffissanut aalajangikkanut aserfallatsaaliuinissamut tamatumalu peqatigisaanik inissiat aserfallannissaasa pinngitsoorniarnissaannut aningaasanik illuartitsisoqartussaavoq. Kiisalu matumani kontomut pingaarnermut 20.30.09-mut oqaasertaliussaq nr. 3 innersuussutigineqarpoq.

Apeqquut 4-mut akissut:

Inissiamik aqutsinermut ukiumut 2.500 koruunit akilerneqartarput. Pisortat inissiaataanni attartortittakkami aqutsinermut aamma tamatumunnga 4.000 koruunit sinnerlugit akilerneqartarput. Inissianik tunisinermi illunik tuniniaasartumut akiliut, suliamut naammassineqartumut naleqquttumik annertussusiligaq nalinginnaasoq akilerneqartarpoq, tassungalu ilaavoq niuernerup uppersarsarneqarnera imaluunniit pisinermut isumaqatigiissuteqaanneq.

Apeqquut 5-imut akissut:

Tuapannguani Napasuliaq 4, 5 aamma 6 tamakkerlutik Namminersorlutik Oqartussanut sullissuvittut attartortinneqarput, taamaattumillu attartugaallutik inuussutissarsiornermik siunertaqartut. Taamaattumik Namminersorlutik Oqartussat namminneerlutik napasuliani taakkunani inissianik aqutsisuunerat pissutigalugu, attartornermut isumaqatigiissutit inissianik attartortitsisarnermut Inatsisartut peqqussutaata avataanniipput. Tassunga taarsiullugu Tuapannguani Napasuliaq 7-imi inissiat piginneqatigiilluni inissiat pillugit Inatsisartut peqqussutaat kiisalu inissianik attartortitsisarneq pillugu Inatsisartut peqqussutaat naapertorlugit inissiatut namminersorluni attartortittakkatut Agerskov Consult-imit attartortinneqarput aqunneqarlutillu.

Neriuppunga akissut naammagissagissi.

Inussiarnersumik inuulluaqqusillunga

Jens B. Frederiksen